



Universitätsbibliothek Paderborn

**Tribunal Poenitentiæ Sev Libri Dvo Prior De Poenitente Ut
Reo Posterior De Confessario Ut Judice**

Stoz, Matthäus

Anno M.DC.LXXXIX.

§. 5. De peccatore inveterato.

urn:nbn:de:hbz:466:1-37144

ceri. Similiter &c, qui virginem opprescit violentè, & in prima confessione dixit, se fornicatum fuisse, non potest in secunda dicere, se alicui personæ vim intulisse: non enim explicat peccatum in sua specie, cùm violentia sit quiddam genericum, & possit inferri in bonis, vel fortunæ, vel famæ, vel honoris, vel etiam in vita. Debet igitur, ut bene confiteatur, se denuo de toto peccato, videlicet de stupro, accusare. Et sic de aliis similibus circumstantiis, quarum malitia non sat's intelligitur, nisi ipsum peccatum, cui adjunctæ erant, denuo explicitetur.

§. V.

De peccatore inveterato.

600. Si qui ulli difficultatem in numero suorum delictorum colligendo habent, eam certè sentiunt, qui limo peccatorum immersi, fordes foribus, id est, peccata peccatis sine ullo DEI timore ac reverentia accumulant. Et licet istis ex dictis p. i. n. 101. & seq. aliquid remedii adferri possit, placuit tamen hic paulò exactius difficultatem expedire.

601. Ut ergo aliqui cum Navar. c. 6. n. 15. *Man.* hujusmodi peccatori consulant, ajunt, sat's esse, si tempus, quo tale peccatum frequentavit, explicet, nihil aliud dicendo, quām se tam longo tempore v. g. uno anno in inimicitia persistisse, & frequentissimè, quavis occasione oblata ad memoriam tantum inimici renovatam, actum gravis odii exercuisse. Sed profectò hoc videtur esse nimis laxum, & idcirco nec facilè in praxin deducendum, nisi cum limitatione, de qua paulò pòst. Econtra verò illud nimis rigidum & leverum, quod alii apud Fagund. in 2. præcept.

Eccles. 1.3. c. 4. n. 11. & Diana p. 3. tr. 4. R. 89. dicunt, videlicet talē peccatorem esse omnino obligatum, ad numerum & speciem peccatorum specialiter exprimendam. Sed quo pàcto id possit? quamcunque enim diligentiam adhibeat, numerum non deprehender: summum speciem deprehendere poterit. Quid ergo tam inveteratus malorum dierum peccator urgeatur ad numerum exactè inquirendum & exprimendum? Certè hoc esset, animam ipsam illi extrahere, quod nec DEUS facit; sed nec intendit; neque enim is conscientiarum tortor est, aut carnifex, ut tam exactè calculos cum peccatore subducatur: serium dolorem & firmum emendationis propositum magis postulat, quām calculationem, quā nullā humanā diligentia deprehendi potest.

602. Quoniam ergo ad animarum salutem plurimum refert, confessionem non reddere nimis horridam & asperam; suavitati jugi Domini longè conformius est, ut eam, quantum possumus, facile reddamus, & ab omnibus illis oneribus, & difficultatibus, à quibus potest, levemus, juxta institutionem & declaracionem sanctæ Matris Ecclesiæ. Ut igitur hic, de quo modò sermo est, peccator nimium & suprà vires non gravetur, hac tria præstet: & I. quidem investiget tempus, quo in tam malo statu & consuetudine persistit, quām longum scilicet id fuerit? II. species peccatorum priapides, si quæ sint sub eodem genere, inquirat. III. videat, quoties, circiter tale peccatum in die, septimana, vel mense commiserit? Unde meretrix, quæ passim cuilibet turpem sui corporis usum præber, neque

neque ullâ humanâ diligentia numerum certum, vel etiam verisimilem potest reperire, satistacit, si modo quodam confuso conluetudinem, & illius tempus explicet, & dicat, se per duos annos cum quibusvis peccâsse, addatque species magis principales, & saltem in confuso multitudinem numericam, an & quam frequenter, v.g. tories per mentem peccaverit, videlicet an cum conjugatis, consanguineis, vel personis DÉO sacris &c. Idem est de eo, qui frequenter instituit cum peccato mortali colloquia turpia, absque ullo delectu circa materiam, & personas, seu solutas, seu conjugatas &c. nam & hic, si sentiat difficultatem explicandi numerum (ut certè evenire solet malè moratis seu viris, seu adolescentibus) satisfacit, si explicet tempus illius perversæ consuetudinis, & species principales, quas inter colloquendum turpiter concupivit. Idem dicendum est de aliis malis statibus. Lugo D. 16. de paenit. f. 14. n. 575. apud Tamb. in Meth. confess. l. 2. c. 1. §. 7. n. 44. quieum sequitur.

603. Rectè verò addit Vasq. q. 91. de paen. art. 1. dub. 5. n. 3. apud eundem Tamb. n. 40. circa numerum actuum internorum non esse hos inveteratos peccatores cogendos ad explicandam frequentiam, & numerum per hebdomadem & dies, sicut cogi possunt ac debent circa frequentiam ipsorum peccatorum externorum, v.g. fornicationum; ut scilicet dicant, si memoriâ teneant, quoties plus minus per diem, per hebdomadem &c. peccaverint. Ratio discriminis est, quia in actibus internis videtur impossibile, eos ad aliquem numerum sine magni erroris periculo, sive per excessum, sive per defec-

R. P. Stoß. Trib. Paenit.

tuum reducere; quod periculum in peccatis externis cessat.

604. Respirare possunt illi, qui homines rusticos apud indoctos Parochos indocte confessos audiunt. Non enim hì adigendi sunt ad confessiones reiterandas ex eo, quod numerum peccatorum non expresserint. Henrig. l. 5. c. 3. n. 10. Dian. in Summa V. Circumstantia. n. 36. Reginald. l. 6. c. 4. n. 140. ubi cum Medina in instrut. confessar. l. 2. c. 8. sub finem. addit, tuius esse generalem confessionem instituere.

605. Quodsi verò hi tales & tam inveterati peccatores melius suorum scelerum numerum explicare & determinare possint (ut sanè possunt, si forte intra septimanam vix semel delinquunt) utique debebunt. Interim tamen etiam si praedito grosso modo confessi sunt, non tenebuntur postea iterum peccata particularia, quæ in memoriam veniunt, confiteri, licet possint ea magis distinctè explicare: nam in illa confusa narratione fuerunt sufficienter comprehensa & directè etiam absoluta. Valq. loc. cit. apud Tamb. num. 45.

§. VI.

De generali confessione.

606. Multi paenitentium reperiuntur, qui confessionibus, quas Generales vocant, instituendis nullum imponunt finem, rati, se hoc modo tranquillitatem reperturos, in quo tamen sepe seiplos gravissimè deceptos deprehendunt: tantum enim abest, ut optatam quietem reperiant, ut eam semper magis magisque perturbent, sibique præcipue, & non raro etiam Confessariis longè molestissimi

Ss

eva-